



東岳集  
七

東逸錄  
下

卷十二

~16  
2432  
7





和  
2432  
12-7



東岳先生集卷之十七



東遷錄下

丙寅正月初一日乙巳

遠鷄三斗鬧比隣此日天時又一

辛未夏殊鄉仍迓丙寅春但蘄白骨埋黃壤誰

忍丹心向紫宸出戶忽傳相賀語田家翁媪

作朋賓

孤燈相對坐深蟬隔屋寒鷄忽報晨纔見翔庭  
時過蜡却驚荒嶺月圓寅眸昏只有花如故鬢  
秃都無雪更新鄉老不知羈思苦謾書名刺賀





迎春

正朝贈片雲上人

大明天啓六年春月建庚寅歲丙寅德水老翁  
遭 聖世花山窮谷作纍臣曾從塞北霜盈鬢  
又向湖西血濕巾賴有片雲禪子在兩冬相伴  
共迎新

奉謝柳安山送酒用元日見示韻

清明淪落坐愚蒙一出脩門兩朔風今日雪中  
春又到負暄茅屋荷天公  
曾驚頭上雪全蒙眼暗如今手更風賈傳三年

沈落恨一瓶椒酒賴陶公

暖寒冬日愧頻蒙春酒還驚趁曉風共道昨宵  
煩報喜燈花不負主人公

正月初三日

新歲只三日薄醪無一杯纔看田父過又報野  
僧來對雪吟肩聳臨書病眼開騷翁冷生活任  
受里婆哈

題宗信上人詩卷用叅議姪植韻

谷轉雲門窅山圍雪逕危爾從何處至如與此  
心期故宅經元日新梅發老枝阿咸五字句一



慰楚臣悲

人日憶仲氏

是日乃仲氏生辰

病客逢人日空廬憶卯翁行年已六十別路尚  
西東地闊湖雲外天寒峽雪中何由捧壽酒歲  
歲意無窮

蘇子由己卯生東坡呼為卯君今我仲氏生於丁卯歲故戲以卯翁稱之

正月初十日

少奴嗔喝老奴啼婢對空爐手捧頤共說北槽  
多滓汁却看西甌盛蒸炊異鄉久住終何樂元  
日新經亦苦飢我聽此言無所答燃髭空復細  
吟詩

奉贈李汝一兄前年九月除授軍資監主

簿今歲新正轉拜掌隸院司評時自原州

迴赴京城枉道見訪詩以為別

孝友承家任陸沉晚逢昭代屈初心軍倉補吏

班資薄訟院移官 寵渥深千嶂石蹊三命駕

百年塵世一知音此身未作行騶去湘岸春生

雪滿林

奉次銀溪察訪許子賀

補

見寄韻

時送雉

揚州出餞日芳草綠如積遠候瑞雲驛共數歲  
月隔銀溪老郵官終始念窮厄天星今又改雪



東晉書卷之五  
三  
屋坐寂歷人情喜機巧世路多艱阨青雲舊同  
案誰復問孤客忽枉一紙書却忘三年謫華蟲  
登俎味正與病口適古體過黃初白壁獲盈尺  
空庖久無肉始得飽燔炙菴薇露盥手跪讀寧  
有數感子故意深逐字煩尋繹再拜謝知已何  
時展良覲

元夕

去年元夕雉城南東海濤山日半含元夕如今  
羽嶺北西峯雲木與天叅一身涕淚空垂四兩  
地星霜已變三後歲更從何處駐只應湖月滿

松庵

禮曹蔡佐郎後裕以詩稿寄示因題卷末用

唐詩到處逢人說項斯韻

白髮湘潭變黑絲狀元負外寄新詩詩工到此  
終誰解未恠焚書出李斯

正月二十五日雪中趙秀才璧邦子完自沔

川來以酒見餉留一日而去聊贈短律二  
首

雲壓層巒雪擁林謫居新歲轉傷心何言峽店  
燈孤對却把湖鄉酒為斟昭世此身知罪大異



東坡集卷之二十七  
方今夜見情深沔中歸日諸兄問詭報逢春鬢  
更黔

壁竦雲電磴風回雪漲川留君纔一日逐客已  
三年對酒羈愁破題詩別恨牽思歸滿掬淚憑  
寄沔陽阡

正月二十九日癸酉

是日月盡

世恭身仍竄途窮歲自流元朝倏如夢晦日正  
堪愁雪落平填壑風號遠簸丘只應陰谷裏芽  
甲未能抽

二月初一日甲戌

是日乃

昭敬大王諱

鼎湖龍去未攀鱗萬死風塵一小臣薄劣尚嗟  
違禁闈恩榮曾忝簡朝紳珥貂名府俄一品  
釋褐微蹤僅十春病卧江潭逢此日白頭垂淚  
對青蘋

校生南宮績以酒三壺牛一脚及牛肝牛  
胃等物見餉聊題短律為謝自秋及春每  
月惠雉數十首故篇內及之

吾年垂食肉旅次困羹藜入春愁只骨終日醉  
如泥况見分山犢曾蒙送野鷄重惠何由謝沉  
吟未敢題



二月初八日辛巳

近者鷄三唱先於鼓二更邑翁言甚恠隣豎聽  
皆驚夙志憂平世他鄉怯老生誰如祖士雅起  
舞念功名

二月初九日叅議姪植載酒有來訪留飲  
三日而去

麥秀楊州燕子飛鶴橋春雪擁山扉相逢屈指  
三年別獨坐支頤萬事違南巷幾投諸阮飲東  
門未拉少疏歸空吟富貴他人句老淚翻沾弊  
芟衣

一川回繞萬山遮楚客身依野老家念我只近  
門戶累逢君堪向里間誇青雲紫陌官仍貴白  
雪蒼崖路正賒歸侍金鑿問過峽虞童猶未髮  
全華

士窮親戚故相忘誰訪流人到異鄉僂耳舍中  
兒子過籃田關外姪孫湘豈如貊國東川路曾  
是天官右侍郎春酒坐蒙三日醉一門高誼振  
頽綱

牛羊同夕鵲鳥晨一室荒山卧卅旬真到今春  
常恠嚏眼從前夜輒驚矚望鄉詎料逢猶子去



國方欣見似人長嘯仍成竹林飲有教漁父笑  
靈均

從來空谷喜聞琴謝樹如今映楚江官職文章  
俱第一風流節操本無雙關城地截新夷界峽  
路山盤古貊邦歸鞅忽催侵曉發白頭羈恨集  
青缸

附 次韻

思如泉湧筆如飛早合演綸宥瑣扉亂世文  
場應見局清朝直道又何遠飛霜燕獄丹書  
上積雪陰山白首歸尚有東坡海外意王章

終未泣牛衣

朱子書二東坡海  
外意况時可想見

虛弦頻響爵重遮一髮雲山尚債家禍患無  
門那更避文章有道匪為誇濁醪屢許隣墻  
過鮭菜常從縣市賒即是先生新計活着他  
冠蓋自京華

巷南朝暮已難忘何忍將身更遠鄉詠到五  
君咸次籍騷成九辯宋招湘相從險阻唯挪  
子不負風流有索郎洪峽舍中三夜飲百年  
愁陣弛維綱

雲木幽蹊雨雪晨相携一日抵千旬潘毛盡



東山集卷之五  
七  
白非因老阮眼回青不待閻漁父豈欺憔悴  
客山靈應笑往來人升沉榮辱須臾事宇宙  
無窮化澤均

荒村晚照報音筮匹馬穿山復沂江鷄黍一  
歡差有數燕鴻三日偶成雙天公未必窮吾  
黨奎宿何緣謫此邦京洛雲山俄楚越白頭  
孤夢伴殘缸

再從姪植

重贈叅議姪汝固兼寄宗弟汝省正言  
世道今交喪同宗孰更敦崎嶇三嶺路寂寞一  
家村忽喜迎叅議曾驚對正言異時諸邑子雍

睦說吾門

去年五月正言見訪叅議  
今又來見故弟三聯去

附 次韻

跡屈神逾旺宗衰義更敦  
流遷眾絕峽邂逅即窮村  
白日昭孤憤清霜凜片言  
不須觀鄭卜禍福本無門

嶺峽僑居僻詩書宿好敦  
頗同雪堂老獨卧海南村  
憶昨容投謁連宵屬晤言  
至今回夢處千嶂一柴門

再從姪植

次叅議姪植道中作韻

北闕休初乞東溪興正乘  
雕章五色線清貫一



條水達節真無負窮途庶有憑坐看飛磴外雲  
暗雪成層

附原韻

羸馬力實倦險艱那易乘獨穿千嶂雪屢踞  
一溪水細故初難擺幽期此可憑更誰憐楚

客獨卧小山層

再從姪植

次姪議姪植歸途見寄之韻

愛君詩似李長庚詞賦吾慙學兩京嶺右獨來  
穿月峽畿東相送抵龍城謫居敢道承先業名  
位終知畏後生安得虎頭描此會萬山春雪白

年情

閉門同洛下回棹異山陰此地難投轄何時更  
盍簪蒼茫阮籍哭憔悴屈平吟歸路連朝雪天  
留記別心

二月十五日戊子夜坐口占

余在鏡城見望月者十及到洪川見初  
月者九北征路上一見初月南遷道中  
再見望月自甲子三月二十八日離發  
京城迄于今二月凡二十四月鏡城古  
號雉城孤嶺在洪川縣東



鳳城回眼數新瞻經幾團圓到幾纖雉塞孤村  
卜開鏡孤山荒谷九磨鎌王鈞北度關初對純  
扇南迴店重瞻今夜更堪輪正滿大刀頭折鬢  
絲添

二月二十日癸巳

洪縣古城川北濱川流西走漢陽津京都只隔  
二百里旅舍忽經三十旬秋月轉天風起夕朔  
雲垂地雪翻晨身歸無日髮盡白忍見山青花  
更新

亡友白進士善鳴南母河東鄭氏挽詞鄭氏

玉峯白叅奉之孺人也生四男三女  
內外曾玄孫二十九人享年九十歲

羲之之婦獻之母三十諸孫凡丁齡世上河東  
天帝子女中南極老人星孤鸞舞鏡臨春暮兩  
劍蟠龍占地靈未赴巨卿鷄黍約楚江垂淚愧  
寧馨

故叅奉白玉峯遷葬挽詞為庄負白尚賓  
作玉峯先葬于

靈巖地今將改葬與鄭氏  
同窆于海南縣秀蘭山下

西漢文園楚白生至今童非誦高名鍾王豈有  
唐詩體沈宋曾無晉筆精三世流傳仍父子百  
年磨滅幾公卿秀蘭山下牛眠地永利温家第



及兄

三月初一日甲辰

一歲春纔九十朝三分已覺二分拋亂紅未綻  
山桃葉微綠初紫澤柳梢湖外別愁迷北堰漢  
中歸夢遍東郊只今破屋誰能葺新燕惟應占  
舊巢

三月三日

蘆芽初生柳色勻強扶衰僮凭藤輪一春又屆  
重三日六歲曾加半百身節意堪酬誰送酒鄉  
愁欲說未逢人老兄湖海空相望寒雨和烟暗

古津

寒食 三月初九日

漠漠春雲重蕭蕭暝雪踈兩年逢熟食孤客寄  
窮廬禮阻開元勅心同子厚書遠林人已散山  
鵲噪丘墟

東出都門走北塞南踰峽嶺臨西臺二十四月  
忽已過一百五日今又來風烟滿目川原變鄉  
國回頭老病催野外祭人歌哭罷暝鴉爭啄紙  
錢灰舍西山麓有一高丘上平可坐今領議政  
完平李相國謫居時登陟之所也因以臺  
稱之故云西臺乃望鄉臺之意也



忍病晨興對疊巖谷雲川路共漫漫雨聲昨夜  
無風急天氣今朝特地寒滄澤北原心最憶道  
峯南麓眼常看頻年冷節孤身遠白盡顛毛雪  
映冠

清明

春雨初晴草又生晚鳩呼婦隔林鳴咸關地是  
黃龍塞貊國山如赤甲城萬死孤臣一流落三  
年異域兩清明杏花村酒誰能賞空對新烟憶  
上京

三月十一日許秀才琦携酒見訪是日清明

雨霽東風淑景新旅情何事轉酸辛杜鵑花拆  
清明節孔雀山園老病身鄉里盡輸愁外地牙  
凡空作夢中人丹陽却領青州到始認乾坤別  
有春唐許人

三月十二日乙卯余以甲子三月十二日

輒復發

甲子春臨季中旬二日晡李膺初下獄揚輝欲  
加誅曠蕩申輕典愚春保薄軀年年到此夕魄  
褫且長吁東漢桓帝時宦官上書告李膺  
西漢宣帝時揚輝與戴長樂相失長樂上書告  
暉語恃逆下廷尉考問廷尉奏輝大逆不道帝



不忍加誅免暉為疾人今余亦為人因有隙  
上告言語悖逆被繫見鞠故引以自况

三月十二日鏡城池士進源以濬源殿

參奉赴永興枉道見訪詩以為別

鳳闕清晨拜 赭袍春風馳駟鐵關高身披短

褐懷明月氣決浮雲握孟勞義旅新興忠憤激

除書遠下 寵恩褒磨天嶺北要荒地二百年

來第一豪

憶曾分手立關河峽洞如今見枉過快士漢庭

初被薦禿翁湘浦尚嬰痾一冬暖室交相重兩

地荒花別恨多舉酒屬君翻自祝明年春更對

高歌

留君莫恠酒頻賒去歲君家作我家洪峽橋邊

一溪柳明州郭外萬山花人生聚散俱堪笑世

路窮通只自嗟歸到塞鄉如有問逐臣猶未入

京華

三月十四日丁巳

洪川水入漢江流誰遣羈翁著上游寒勒岸挑

紅乍綴暖侵堤柳綠全抽漁舟晚笛麻湖迥佛

殿晨鍾楮島幽日日眼中看故野心隨春浪去

難留麻湖乃麻浦余家亭子一在麻浦之西玄  
石里中一在楮島之北新川岸上皆是洪



川縣水  
下流也

用前韻寄贈希安上人無示冲微長老

師管等城南漢山北庭遷客帶霜寒  
兩家宿業俱成錯松月何時一處看

一片青天萬仞山春深風日似秋寒  
欲知楚客思歸意秦地烟花夢裏看

三月十六日已未

峽中春向晚晴日照山川陽陸草已長  
陰崖水尚堅天時豈少異地氣固多偏  
即此安吾分頽廬坐兀然

三月十九日壬戌

儼居踰歲坐虛窓一箇癡形影與雙朽  
木拄簷喧小雀寒灰填徑睡孤獍老年  
菓僅充餐案春日塵猶滿酒缸支枕只  
思成假寐倘憑魂夢到

鄉邦

三月二十日

舍面籬外有柳兩株

兩樹垂楊千萬條條條縈恨自朝朝  
嘉平雪後黃初斡上巳風前綠正搖  
密雨沔城村北堰淡烟蠻館巷南橋  
老身何日西歸去却說東川對寂寥

蠻館乃東平館也在於京城中南  
部樂善坊余家在於館之東巷



三月二十三日 裕陵金叅奉忠老范載

酒而來留贈以詩次其韻為別

瀚海粘天楚峽深羈身遷次老侵尋十生九死  
逢君日一病三年戀主心湖月分明赤壁賦關  
雲寥落白頭吟夜闌秉燭真如夢手捧清樽盡  
意斟

大漠雲沙接雉城花溪鵬鳥傍人鳴清時放逐  
愚臣罪異地經過烈士情黃草峽寒春雪重蒼  
梧山暗夕陽明對顏莫恠暗無語楚客歸魂在

漢京花溪里名在  
洪川縣西

四字書空影伴身亂山深鎖一纍臣青門在眼  
無歸路白髮如絲作別人鄉夢幾驚胡地月羈  
魂又怯貊城春賴君載酒遙相訪不省花前倒  
葛巾

老客歸心逐逝川西流直過廣陵前金鷄何日  
天書降又向青山聽杜鵑

出門相送指歸程兩地何由數寄聲征馬亦應  
知別恨立當斜日向人鳴

亂峯雲暗夕陽低握手相思自悽歸報季方  
休問訊鬢毛如雪夜烏啼

右答君內侍教  
志范公付書見問



疊用臣字韻贈金

秀才

范乃金參奉老

氏長女婿也自幼時嘗從余學余與老伯  
平章親事久矣去年冬始行醮禮於河川  
鄉舍今隨其父遠來見  
訪且喜且悲聊贈此詩

湖鄉秦贛合瓢新策馬山程訪楚臣張徹早從  
韓子學南容終作孔門人龍鍾書乏三千牘玉  
潤年方二十春此日光輝生白首紫荊花落淚  
盈巾

三月二十七日庚午

只言春到慰羈情春日那知病轉嬰始向正朝  
思北闕仍經冷節望東墜林花捻是傷心色谷

鳥無非墮淚聲想得天街小雨後滿城歌吹樂  
時平

三月二十九日壬申雨是日春盡

端居又負此芳辰盡日厖眉坐自顰楊柳橋通  
漢陽路桃花浪接廣陵津重巖疊嶂深留客冷  
雨踈風暗送春去歲成原宿孤驛歸驂猶捧赦  
書新

平生五十六東風春事闌珊又已空烟柳轉於  
今日緜露桃渾似昔年紅如何白首成羸叟不  
復朱顏變稚童贛世幾時身負譴一溪鳴雨萬



山中

道峯山下春盡時行色蒼黃催別離平浦驛前  
 春盡日歸心汗漫倦奔馳身危敢問形全換道  
 遠渾忘節易移獨對飛花念往事峽城春盡始  
 知悲甲子三月二十八日出獄就道晦日留宿  
浦館宿  
咸原驛

四月初一日夢酉遣懷

羈翁無路入神京節序推遷坐送迎午枕靜聞  
 春雨滴曉窓遙見夏雲生兩州一謫身全倦四  
 月三逢意忽驚何事小庭花裏鳥近人還作故

園聲

四月初三日乙亥

山寒時序晚夏首見梨花嫩葉滋晨露繁英曜  
 夕霞只應憐淡薄不獨愛芳華倦僕翻相訝堵  
 筇到日斜

四月初六日戊寅

江梅落後海棠前躑躅來禽趁杜鵑桃艷杏嬌  
 霞滿地李穠梨淡雪連天芳時次第看新藥倦  
 容尋常憶故塵安得百花開併日一花開日一  
 潜然



東岳集卷之十七  
四月十二日甲申

山深天氣冷四月始聞鶯嫩綠含新旭  
為紅墜晚晴忽思湖右住復憶郭東行  
已是三年客歸心却自驚湖右指汴鄉郭東指海村

四月十三日朝雨午霽風日閑羨獨卧熟

睡覺而有作

老來遷謫本無營絕峽移居地轉清  
雲起水流朝復暮草鋪花墜雨無晴  
傍簷黃鳥如人語隔岸青山不世情  
一枕安眠十三日未應天意薄吾生

四月十六日戊子

去歲四月十六日癸巳始到此

北客東來此息肩夏雲初起月仍圓  
星霜荏苒暮三百京國蒼茫路八千  
禦魅已知離死地賜環誰望速生年  
白頭今日驚心事依舊青山又杜鵑

斗柄初南指羈蹤自北遷常思身沒地  
忽見日周天拓落應吾命沉綿更幾年  
殘花逐流水空復下新川新川在於廣津之下川上有余家田庄

四月二十日壬辰聞鶯有感

綠樹陰初密黃鸝轉正多露凝朝日麗  
雲散午



東坡集卷之十七  
風和隔葉嬌如語穿花點似歌羈懷何自苦不  
是故山阿

四月二十三日望縣南流川

峽川溶滴出壑嵌故墅歸心不可絀步傑曾尋  
奉恩寺鳴撓常駐舞童巖事如短夢空吞恨身  
作孤囚未雪讒何日鷄竿赦書到公流直欲掛  
風帆

四月二十八日庚子聽鶯戲題

四月逢庚子三年比賈生異時愁問鵬今日喜  
聽鶯善地非卑溪頑軀賴 聖明只須甘飽喫

前席未為榮

飲南宮績四馬酒

四馬酒用四午日重釀  
酒經春乃熟周歲不敗

君家名酒貯經年釀法應從玉蕊傳纔引一觴  
心已曠輒傾三杓語方顛飄飄身世崑崙上浩  
蕩人寰混沌前若使楚纍知此味懷沙何必赴  
湘淵

五月初一日壬寅

月又今朝五年并去夏三路窮關嶺右家近禁  
城南身世同羈鳥生涯比老蚕湔湔前澗水日  
夜下清潭

清潭此乃漢江上流之名



五月初三日南宮績送酒三瓶與司果李  
如璞同飲

坐迫天中節村南送酒來呼兒催洗杓對客遮  
傾杯遠圃靡蕪長翻塔芍藥開獨醒魚腹裏回  
首正堪哀

五月五日

戶仍懸艾舊人自帶蒲新異俗三端午頽齡一  
病身莫觴思故隴頌篋望中痕此日年年淚沉  
湘羨楚臣

用亡友任持平茂叔韻贈懷謙上人

疎庵學士謫人間白玉樓成帝召還雅志平生  
清似水高名異代重如山楚江風雨遷臣老蓬  
島烟霞釋子閑湖墅勝緣今作夢獨留詩句照  
禪關

湖庄一笑已成空五載相逢峽路中忽讀故人  
詩迸淚鶯聲還與昔時同

師乃天安廣德山人也壬戌夏余在沔  
川鄉墅師始來訪疎庵任君茂叔時亦  
枉過仍贈師以詩明年癸亥冬君以持  
平歿於京城又明年甲子春余竄北塞



去年春量移于此今者師自楓岳袖其  
詩來示余索和俛仰五年之間得喪哀  
樂人事百變兩篇手跡宛如昨日遂泣  
然感舊步其韻以貽之余既與師共哀  
茂叔且自哀云時天啓丙寅端陽後二  
日  
奉次石陽君灘隱見寄之韻  
王孫文人行京邑昔年遊路遠能相念身危不  
自由昊天春杳杳浮世日悠悠獨展芳蘭藻歸  
心水共流

憶昔南冠鎖北扉至今如夢復疑非空山坐愧  
平生事未向風塵早息機  
獨逢時泰命仍窮萬死投荒一老翁今作峽人  
誰更恨雉城曾是古山戎

疊用遊字韻寄謝石陽君以詩見問  
自從遭謫逐誰有念交遊盛世龍無伏危途鹿  
有由來詩雲靄靄往事水悠悠早識宗枝秀三  
朝茅一流

五月十五日夜坐對月

完完二十六蟾蜍半照胡沙半  
貂壻天接大荒



殊物候地分寒峽少人居踈髭似雪那容鑷短  
髮成蓬不滿梳微命尚延形盡改只緣歸思在  
先廬

奉謝宗弟景汝省送病

早知時俗棄頑踈誰向窮崖問謫居日出齋廡  
騰古道春來藜藿遶空廬兩壺綠酒迂高駕一  
簞清風寄遠書令弟獨能敦世好老癯瀕死意  
何如去年夏君自京城持酒來訪故籍內云

奉簡宗弟汝省正言

吾門粟谷先生後始見君今擢狀元趾義不妨

遲一齒聯芳曾羨盛三昆青雲發迹躋郎省白  
日懸名立諫垣才薄乙科身又辱坐羞同出樂  
安孫

粟谷先生於君再從仲父而於我三從  
叔父也先生二十九歲狀元及弟君三  
十歲擢甲科第一名君兄三人俱中文  
科我與君并是高麗樂安伯諱善九代  
孫也

五月二十一日乃南宮汝用生日也携酒  
饌來餉醉賦一律以謝之君與我同生辛



未我少一月

一歲還先一月生君宜呼弟我呼兄白鬚辱在  
泥塗日青眼歡如骨肉情初度未成授鐵杖弊  
居偏賴捧金罍醉中祝壽翻相賀留作雲山兩  
老彭

戲答驪州李使君尚中兄書

黃金帶二品白玉粒一斛官高心愈下獨有驪  
州牧

五月二十四日

小齋唯聽鳥聲喃門外蒿萊不可芟水射回灘

衝石涵山盤絕壑拄天巉推書大叫時疑夢閉  
戶深居坐懼讒自出王城凡幾月蟾光二十七  
搯搯

奉謝李司評汝一兄送煮酒一盆

煮法應知出禁方老夫平日未曾嘗光凝竹葉  
篩椒辣味糞松花搗桂香百代是非誰更問一  
身哀樂頓相忘故園對此猶銜感何況遷臣滯  
異鄉

再用叅議姪韻贈宗信上人

群謗何時息孤身此地危寂寥丹鳳赦迢遞白



雲期壞衲披三事拈筇拄一枝送師楓岳日蓬

鬢益堪悲

雲一作蓮

谷田嫌望遠峯聳怯登危骨肉徒相憶鄉園不  
可期遊魚動細浪宿鳥聚深枝無限窮途事逢  
僧只自悲

九渡雲溪險三躋石磴危春風始相見夏日未  
曾期老鼪跳藤蔓新蜩噪柳枝羨渠無定迹幽  
蟄意逾悲

五月二十六日校生朴應乾家送新麥二  
十七日双叔自揚州海村別廬來納早瓜

昨日炊新麥今朝洗早瓜殷勤朴生舍彷彿海  
村家異縣輸時物殘生費歲華無因薦祠宇對  
案到昏鴉

六月初一日壬申書感

坐惜三春日翻驚六月天村村飛乳燕樹樹集  
鳴蟬薦麥思先廟嘗瓜憶故田今年又已半空  
自困拘攣

六月初二日

新麥登場熟野蚕田村舊穀尚盈甌昌時適屬  
千年一異域空經六月三滄澤魚蝦湖郡北廣



津桑拓漢都南羈身已似黏鵜鳥此日憂貧獨不堪

南宮績送四馬酒一盆

自從去歲端陽後及到今年季夏初每月三瓶四馬酒他鄉萬壑一蝸廬遂令屈賈愁無賴便作愁劉醉兀如何甯淮陰漂母惠隋珠難報愧

六月十一日感懷

昔我三兄身聯裾在一堂何堪九泉隔空作十年傷尚憶先慈氏恒吟兩少娘殘生今遠逐不

復奠靈床

伯氏歿於丁巳六月十一日今已十年三娶無子只有兩少少長於去年冬始嫁次尚在室

六月十五日

余於四月曾落齒

國俗流頭日羈形落齒年白圍者節物玄默記鄉塵異地三嘗麥新齋一聽蟬何時避暑飲荷葉更相傳太歲在壬曰玄默壬戌六月之望時與仲氏及諸姓聚飲於河川鄉墅時

余新構書齋駐過一秋故云

寄簡鏡城漁郎里中諸君

三百朝昏歲一除曾依四十四君居祖孫父子兄蕪茅崔朴姜池李及徐尚記東西南北巷更



東坡集卷之十七  
三十一  
瞻車宋馬洪廬向來深惠何由報遠路空慙寄  
短書

奉謝平安監司白沙尹次野送綿紬小帽  
唐鞋紙墨筆油毫乾魚蝦卵等物

箕城出按漢符分文武無資早冠群崇舍爭傳  
先相國篠駮齊迓小郎君化露草木增民戶威  
鎮山河靖虜氛忽見餘波及窮轍白髭揮淚楚  
江雲

一跌風塵舊業殘異鄉三歲罄瓢箪田園盡廢  
收全少奴僕多頑制甚難京輦了無名友問縣

泯都作死囚者平生鮑子關西伯手札偏憐范  
叔寒

奉謝安評事敬寄惠筆墨

翰苑風騷將鵝城老相公承家揚輝在記室鮑  
昭同邂逅龍庭北行虎峽東紀行詩石顏一  
讀氣如虹

當代名家子如君定幾人試看珠咳唾端合草  
絲綸關塞初逢日風霜半死身臨池還見寄益  
愧雅情真

遠投沙塞傍轅門書記聯翩慰客魂九日白衣



東坡集卷之十七  
三六  
桑落酒五更紅燭杏花村身遷楚峽山川闊路  
隔秦城歲月奔孤夢忽驚雙賀到賴君高義動  
乾坤

渤海陰風撼地垠半纏繞暖輒成親芙蓉幕下  
青雲士魑魅鄉中白髮臣入峽詎知仍寄信轉  
郵曾見每分珍恩深一飯酬無日石疾纏身與  
死隣

閏六月初一日辛丑

夏日常妨熱羈人復患饑何堪六月閏却使一  
秋遲舊黍村中罄新麩市上稀弊袍無處貫終

恐絕晨炊

奉別仲氏還沔川鄉墅時閏六月初一日

湖海隔江漢峽山重復重去年只再見今夏乃  
初逢征騎忽又發旅身那得從殘齡共餘幾忍  
淚已霑膏

五十方衰六十耆牙疎髮禿體俱羸縱居一室  
猶無樂况滯殊鄉益可悲三伏炎天尋茅日萬  
山荒谷送兄時籬前獨立看雲外里舍田翁涕  
亦垂

奉謝竹陰趙叅判怡叔書問去年秋曾送



紙筆扇墨清遠香全鮫等物今年夏又以  
扇筆見遺

東徙今從北西遷昔轉南文章敢自比禍患互  
難堪天道窮逾驗人情老始諳殷勤相煦沫兩  
歲枉書三

閏六月十三日李司果如璞家貸米二石  
他鄉寄食本多艱六月翻添匱一簞東里典衣  
誰肯顧西隣乞米又空還忍飢老婢眉方蹙待  
哺童奴眼正寒此日長腰二十斗獨能相貸不  
曾慳

奉謝原州金明府正卿手札見問送燒  
酒一瓶鷄兒二首

多謝平原牧開緘手自題我觀今日意君與古  
人齊對使先斟酒呼童旋殺鷄羈艱成一飽不  
省醉如泥

山村閏六月一日度如年小市稀新穀空厨冷  
暮烟誰言羈客苦却荷故人怜舉室啼飢處陶  
然自醉眠

七尺癯形一老僧異方羈滯病侵凌峽深本自  
無先業鄉僻何曾有舊朋庄粟縮儲妨夏閏市



益增價怯年登終朝啖菜窮居味欲報隣州焉  
未能

奉謝利川老明府景子陵送米見問

六月今逢閏三旬正阻飢平生拙計笑遠逐乏  
財貲隣粟嗔償薄官蕤責糴遲此時黃武伯白

粲寄相思黃武乃利川古號也

奉謝真寶李明達子靜送猪脯茶食狀紙  
等物

又見真安使連峯歲已周天門兩大赦鬼窟一  
孤囚臘雪埋雲棧炎霖浚野疇感君勞遠貺臨

贛浹先流建峯驛名在洪川縣內

湘川伏雨暗楓林疊嶂橫分嶺微深兩地脩程  
三見問百年浮世一知音每逢霑澤身仍滯獨  
抱窮愁病轉侵重惠此生那可報只應泉路罄  
微心

奉謝平安兵使南以今公時送白紬

曾聞授鉞出河湟萬里長城控一方玉帳神威  
漢驃騎雲臺功業晉龍驤共拈鸚鵡銜綸地獨  
向麒麟禦魅鄉此日綉袍珍重意青蓮須仗郭  
汾陽



東岳集卷之十七  
三十一  
七月初一日辛未

雨霽荒山靜寒蟬咽不休今朝又七月獨客忽  
三秋身甚劉損病心無宋玉愁蓋棺何日是徒  
此困淹留

奉謝地主南

請

令公以鷄酒見惠

昨夜秋風起孤臣雪滿頭何言兩朱氏忽逐四  
青州對案驚時膳開樽慰客愁殷勤謝地主美  
故本無儔

七月初四日曉雨

峽雲溪水日悠悠底事羈蹤滯此留漢北初依

胡壘竄關東旋向新村投兩州忽已三年滿一  
死惟應百慮休夢斷故山秋又到曉風吹雨入  
新愁

七月初八日

古峽日先暝閏年秋早涼星移流大火律變動  
清商蟄燕已如客鳴蛩皆在堂山廬自此夕益  
復憶湖鄉

七月十二日

眼昏頭禿病纏骸縱使閑居詎遣懷塞雪釀寒  
初過沔峽霖蒸熱重逢靈每看花發思揚塢幾



聽鶯啼憶沔齋一作逐臣三十月莎鷄今又傍

前塔

余以甲子三月始得罪竄逐迄今丙寅七月乃三十月也

奉謝鎮川洪明宰續送米麩等物

籍甚常山宰明時舉最先清如金掌露直似玉

琴絃北闕誹雲日南溟禦寇年還能急人困書

疏到湘川

鎮川別號常山

此走胡沙遠東回楚峽幽孤身未一死絕境又

三秋忍說思家夢空懷戀闕愁平生彰義吏翰

札此相投

彰義乃鎮川古號也

七月連峯下愁霖決一旬共言新穀貴誰念老

夫貧婢病翻驚起僮飢正怒喚故人分薄俸交  
誼死生親

七月十五日夜坐對月

一川秋月又中元逐客三年左故園白露洗空

星北轉青山環邑水西奔鬢從蟋蟀聲渾短眼

向蝦蟆影益昏記得市廛蔬蕪賤都人隨處薦

亡魂

國俗稱中元為亡魂日以問關小鬼是日月夕備蔬果酒飯招其亡親之鬼也

送片雲即之沔川

甲子六月二十九日辛亥師始來見余

於鏡城漁郎里僑舍因留學古詩越明



年乙丑三月余遇 恩赦量移洪川師  
又隨我而來無一日不相見今者峽中  
大蝗歲饑將無以為食遂遣師抵沔郡  
令住于石水庵庵乃余鄉墅隣寺時天  
啓六年丙寅七月十六日丙戌也自甲  
子六月辛亥迄今丙寅七月丙戌師與  
我同苦辛凡二十有七月共七百五十  
有四日云

雪同談詠月同愁沙磧無垠峽澗幽忽憶初逢  
甲子夏誰言直到丙寅秋已知鵬舍終吾命翻

向孤丘送爾遊隣叟未諳孤客事却哈臨別淚  
雙流

女真孤壘始逢春入峽招搖再指申詩作梵音  
聞雨夜話從詩義看花晨經今七百五十日逐  
我東西南北身此後馬羈誰並坐秋風吹鬢更  
成銀

七月十七日

杳嶂鏡天挾逕窮數椽田舍一羈翁露凝絡緯  
聲中月雨滴梧桐葉上風多愁患不寐全暗少  
睡嬾猶耳乍聾帶病又逢商節至無朝無暮坐



書空

夕坐聞蟬微雨驟至復用元字韻

心似悲秋郎七元暮蟬鳴處望鄉園羈身却愧  
龍蛇蟄鬼窟空驚日月奔谷口暝雲連碧落溪  
頭寒雨過黃昏已知秦地歸無路楚些難招獨  
夜魂郎士元送錢起詩暮蟬不可聽落葉豈堪  
聞共是悲秋客那知此路分又送別詩薄

暮寒蟬三兩聲回  
望故鄉千萬里

莫恠家山戀本元謫來無處卜田園連關嶺峻  
千雲立出峽川長觸石奔地勢漸高秋易冷天  
形偏窄夕并昏空林雨濕寒蟬噪此日居人亦

斷魂

七月二十二日用南童子斗長韻示權秀

才伉

措島之西栗島東兩湖烟浪一漁翁蘆葭楊柳  
沙頭雨鷓鴣蜻蜒浦口風旅舍獨搔秋鬢白歸  
程常指夕陽紅誰憐四百八十日心與花溪流  
水同

關河直北峽山東一謫三年老病翁京邑報書  
無吉語沔鄉歸夢又秋風陂塘少雨蘆花白籬  
落先霜柿葉紅想得隣庄具鷄黍招邀還與曩



時同吉一作好

奉龜川君手札以詩代意

曾逐流人枉野庄峽城書到字連行臘天龍麝

三封藥秋日芙蓉十柄香義比信陵公子魏才

非司馬大夫梁却慙春草江南路對月詩成未

寄將臘公去年秋曾送芙蓉香十柄今年春又以臘藥龍腦麝香蘇合清心丸等劑寄惠故

篇內云春草江南路對月愧華簪等句乃余在江都憶公而作也公時以率諸宗室抗疏伏閣

直斥元凶事被罪謫在順天府

北庭連絕漠東峽阻神州 聖主恩深海微臣

罪重丘日邊朱雀闕湖外白鷗洲後夜空塔雨

鳴虫又早秋

一病沉綿日三年竄逐身暝陰川上重秋氣峽

中新末路誰知己平居舊卜隣河間高德業獨

自寄書頻

奉謝淮陽趙明府善述送栢子清蜜等物

曾從紫塞過黃堂消息今年久渺茫寒谷何堪

病沈約清秋更作老馮唐海松滿帑收新子崖

蜜盈缸出早房認得府中鄉味別使君應不薄

淮陽

八月初一日庚子



白首三年客青楓八月秋天高雲影淨地爽磬  
聲幽芋栗城東宅魚蝦沔北舟庭空百蟲咽一  
一助鄉愁

飲李堂長楊酒醉中戲贈

夕陽西下水東流百代榮沉一觸醜田氏寢郎  
魯拜相李家飛將未封侯故知世事同兒戲誰  
向秋風作旅愁浮蟻坐斟溪友酒却疑騎鶴上  
揚州

八月初六日聞仲氏乃於本月初二日拜  
司僕寺僉正往在 穆陵朝庚子年間仲

氏嘗為本寺判官今二十有七載

常恨湖中遣信難 北宸翻喜獲趨班蒼顏太  
僕新僉正朱鞮 先朝舊判官毀譽東南西縣  
外窮通二十七年間極知人事皆由命湘岸逢  
秋亦自寬

八月初九日聞仲氏乃於本月初五日適  
職還鄉復用前韻奉寄以別

世路真如蜀道難衰宗無計厠朝班已甘沒齒  
終投裔何恠連年輒失官三峽窮猿秋月下五  
湖歸鴈暮雲間離居不用深相憶各自加餐意



頰寬

寄權秀才

仇

別島巴陵北危巖楚峽東秋深送客後日落望  
鄉中 聖代無歸路孤身作老翁惟應對江月  
相憶寸心同

八月十五日夜坐待月

強凭孤枕坐空齋月色中秋特地佳銀闕乍從  
滄海湧玉輪都入黑雲靈風高宿鵲頻翻岸露  
冷吟蛩近躍階待到夜深天宇暗旅人清淚洒  
林崖

八月十六日夕天又陰晦

素娥初出海東涯又見南崗宿霧埋是處孤光  
透雲罅何時皓魄掛天街水輪坐待三更過霜  
髮心知百事乖誰挽銀河洗穹碧客愁無賴酒  
如淮

八月十七日

日暮涼風落老槐洞天秋色入詩懷奔泉吼石  
雷霆掣壘嶂撐霄劍戟排拉壑那無一藤杖躡  
崖曾有兩蒲鞋羈身却似籠中鳥坐對荒山獨  
掩柴



八月二十日述懷

大鵬曾見出齊諧坐笑人寰是井蛙武畧早嫌  
諸葛短文辭終恠馬卿俳足追白日起夸父手  
補青天拉女媧壯志至今成瓦解萬重荒嶺一  
枯骸

八月二十二日校生朴應乾家貸新稻

旅次經年活計窮秋來獨坐聽隣舂樵童晝卧  
嗔餐少爨婢晨興訴橐空未向南村償宿債又  
從西屋乞新傭濡冠自誤人爭笑悔不躬耕作  
野翁南村乃李如璧家也

八月二十六日李堂長家貸新稻四十斗  
堂長曾於月初持酒來餉

田村收穫喜秋成斗粟僑居尚未營去月猶資  
李生米今晨却罄朴家稷一壘桑落貽纒凸四  
斛蟬鳴貸又盈老子便當高枕卧只愁無路報  
深情郭義恭廣志曰南方有蟬鳴稀

八月二十七日對菊花飲

閏年秋候早八月菊花開幽艷真堪賞孤吟只  
自哀誰云寒日落忽見可人來預作重陽泛香  
醪酌滿杯



去年秋南宮汝用送黃菊一盆乃於春日  
移種庭前凡十二莖至八月二十九日花  
正盛開鄭秀才同携酒而來與柳安山暨  
汝用同飲

一盆真菊出南宮移種西堦十二叢白首何言  
近歲月黃花又見趁秋風身同鄆郢招魂客心  
似柴桑避俗翁幽子却携良醞到坐題新句謝  
天公

九月初一日庚子

春鴈纔回社燕辭坐着星斗又移時耳鳴曾作

司空曠眼眩偏添吏部眇沙漠奮威多衛霍廟  
廊論道足龍夔老夫於世終無用只合深山賦  
小詩

九月初五日甲戌

狂生自謂萬夫雄一辱泥塗此路窮春雨始黃  
關北柳曉霜重赤峽東楓曾中噴起大如屋天  
上氣衝長作虹試問古來英俊士幾人橫草立  
奇功

讀史遣懷

漢帝鵬賈誼楚王魚屈平一時困讒誥百代服



忠貞地闊泰山峯天高秋日晶椒蘭及絳灌過  
耳兩蚊螭

晉亂菊元亮周興徽伯夷一身清節立千祀盛  
名垂腐鼠世列爵勁松人素爨草玄老執戟遺  
臭羨新詞

九月十四日希安上人與義浩禪師一淨

沙彌自廣州南漢山城而來留話三日時

凍雨成雪

白髮重陽後黃花小雪初隄言蕭寺侶共訪楚  
臣居日暮歸禽疾風高落木踈故園江漢上一

問一露裙

贈希安上人

杏花梁嶽雨楓葉楚江秋萬死重逢地三年獨  
客愁沔陽新亞里河內古揚州結社當時約蕭  
條雪滿頭

九月十六日夜坐聞雨題贈義浩希安兩  
上人

柴扉獨掩菊花時此地談空本不期昨夜月明  
今夜雨送師歸後是相思

次韻酬希安上人



客裏逢僧話故山一回揮淚一相看孤燈入夜  
挑無焰雨滴空階墜葉寒  
身作山翁不出山秋花却對野僧看心閑不用  
思鄉社萬壑泉聲夜更寒

次韻酬楓岳山人義浩

秋深落葉滿空山夜雨鳴簷草座寒明日一筇  
西去後數枝殘菊共誰看

附原韻

西風飛錫度千山夜入雲門月色寒空齋一  
宿還相別滿地黃花不忍看 義浩

贈別義浩希安一淨三上人

孤身謫棄卧空村誰遣山人遠扣門對榻話時  
纔暖眼拂衣歸處却銷魂雲崖木落秋風冷石  
渚烟沉暮雨昏老病已知無起日只應羈夢遶  
祇園

送希安上人還南漢山寺兼簡冲微長老

峽天秋雨送歸僧西渡龍津下廣陵雲谷老師  
如見問十年回首一龕燈

微師號雲谷

次片雲上人到沔陽別墅中秋月下聽笛  
見憶之韻



別來無日不相思  
秋夜詩傳語益悲  
織笛數聲湖月上  
共憑松檻定何時  
獨坐西風欲語誰  
送僧南去意逾悲  
寒峯月吐平川雨  
捲是羈人墮淚時

九月二十日巳丑

素秋曾認昔人悲  
老疾荒山卧更羸  
蟬一吟中魂一斷  
鴈雙飛畔淚雙垂  
枯桑自墮霜寒重  
驚鵲相呼雨夜遲  
童頂惟餘數莖髮  
定從今日總成絲

奉次伊川俞明宰伯子先見訪留別之韻

秋晚陰崖雪似銀  
一關南北兩孤臣  
菊花枝畔徧傷別  
霜髮蕭蕭滿角巾

九月三十日巳亥

十月初臨九月道  
中間無日不生愁  
露莎濕處蛩鳴暫  
霜葉飛時鴈下洲  
碧落星河明耿耿  
黃昏風雨冷飈飈  
弱心始悟頑如石  
獨卧空廬耐兩秋

次韻奉謝原州牧使洪寶汝時令公以酒  
一瓶雉三首米五斗見遺時丙寅十月十  
七日丙辰



江夏韋良宰得陽李謫仙世情今已變交道孰  
能全獨對青楓日常思赤壁年新詩忽見醜喜  
極淚潸然

十月十八日夜雨述懷奉贈巡察使崔  
令公

峽城寥落斷人行忽聽郵亭畫角聲一歲星霜  
冬十月萬山風雨夜三更應知燕寢驚鄉夢忍  
說蝸廬感旅情誰念召公棠樹畔楚臣秋菊少  
餘英

奉謝全羅道巡察使閔從聖令公以白紙十

束真墨二十笏生薑沉竹筍各一斗等物  
枉書見遺因求用拙堂詩時丙寅十月二  
十五日甲子

千仞山蹊劇二嶠遠勞軍將訪衡茅非關杜子  
虛名著實籍婁公盛德包白楮黑松分妙製紫  
薑青笋佐寒庖窮途感敷何由報肉袒終期刻  
頸交

水遠巴陵渡山深貊國墟北扉曾餽藥南服又  
馳書雅量欣傾蓋危言愧覆車三年逐臣色風  
雪一茅廬



東坡全集卷之二十七  
四十一  
欲辭軒冕返鄉田小屋先營晚計專三歲獨賢  
仍免蓋一家惟拙是青氈方知笠澤同滄澤曾  
過林川近沔川遙憶汀洲舊魚鳥謫居無面寄  
新篇

早讀漁翁賦常看杜老詩從來巧堪愧深覺拙  
為宜春雨煎茶夜秋風碎繪時小堂能自守寧  
復待箴規

奉謝原州洪汝時明府書致雜二首酒二

壺時丙寅十一月三十日己巳

半庭山雪獨臨窓日夕翻驚犬老猶一月得擎

書札再兩雌無綴酒瓶雙宰愁合遣都如洗重  
患終知不可扛催喚阿咸成細酌屈原堪笑謾  
投江姪格時自河鄉  
而來與之同飲

南宮忠順衛挽詞

君名發咸悅人副提學諱璨之曾孫咸  
鏡道觀察使諱淑之孫也生于嘉靖戊  
午九月初八日歿于天啓丙寅九月初  
八日用是年十一月初一日葬于縣南  
五音山下乃君所居里中也君無子以  
季弟發之子績為後君家先墓皆在楊



州海等村與余家先壠乃一山也

副學公家觀察孫南宮野叟是名門殘年疾病  
生了亂世田園至樂存三角峯前連故壠五  
山下接荒村誰言兩地終違面獨客悲同骨

肉恩

飯尚相報况蒙傾百壺自吾遷古峽不復歎

窮途到此孰可忍似公今所無青駸歿時贈益

使坐驚呼

君家有一良鷹及病革臨  
沒令送樊寓故未聯云

困倉餘粟篋餘衣未解人間問是非六十九年  
無一事却從生日死如歸

少時裘馬鬪清狂左手牽黃右臂蒼一病十年  
今不起滿山風雪掩空堂

冬至

塞草連雲海店孤峽深崖石擁危途二鄉羈束  
二冬至百疾侵凌一野夫白屋枕書驚晝寢紫  
宸鳴玉憶晨趨杜陵此日心偏折只向天涯作  
老儒

夏臺纔出渡湘行貧似楊稚病馬卿黃髮誰知  
萬事裂玄冬又見一陽生湖雲拂地蔽先廟嶺  
樹攙天拱上京正屬四方交泰日三年為客閉



柴荆

次韻贈鄭秀才

朔雪漫天歲欲闌  
峽村羈思轉悽酸  
少年曾學孫兵法  
盛世誰登李杜壇  
罪戾在身嚴謹重  
功名無命壯心殘  
逢君莫性留長語  
佳士他鄉見面難

次韻奉謝李叅議天章以新曆一部真墨

三笏已惠

雪中傳新曆  
天官問病翁  
那堪三歲後  
尚在萬山中

新歲逢單闕  
殊方滯老翁  
還應對鵬鳥  
空戀漢

庭中

不道青雲士  
偏憐白首翁  
一鷗追野外  
三墨寄

川中

不見楮生久  
毛公成秃翁  
墨卿雖已到  
空對石

附原韻

為把新年曆  
遙傳峽裏翁  
天恩上吉日  
本在此編中

白洲李天章  
用李叅議韻奉謝月沙大尚書寄惠新曆



早歲龍門客窮愁鶴髮翁年年新曆日忍見到  
湘中

鄭秀才弼送錦鱗魚二尾詩以謝之君居

驪州玉隱洞曾以酒來餉余仍索驪江水

下錦鱗輒許見遺至期果到故篇內云

載酒雪中來世間一奇事雙鱗色勝錦况又蒙  
遠餽勢要人所重誰肯顧憔悴昔賢無宿諾不  
謂見叔季復嶺高匝天寒雲下拂地明月與夜  
光詐足報深意迢迢玉隱洞嶷嶷瑚璉器霧豹  
養斑毛霜松挺晚翠羈身正如縛安得生兩翅

發春有佳期日夕空佇企

奉謝尹輔德德耀自京城遣家奴書致白

魚一石尾碧香酒六瓶牛胃一部等物

楚客初隨北鴈徂旋聞南縣泣慈烏丘山罪重  
身仍迸霜露哀深歲忽逾正想祥琴猶未和却  
憂窮輒輒相濡古來生死交情變高義終當起  
懦夫

絕塞孤臣徙峽州縱蒙恩宥是幽囚群山擁  
壁廬全破積雪填蹊歲又周浮世幾傷遭白眼  
故人偏愧遣蒼頭相思莫說加餐事日下歸心



死不休

凍雲如墨雪山空此日瓊書問寓公老去親知  
幾箇在平生契分四般同蒼黃遠送春郊外  
眩頻貽古塞中白小更隨重碧到未將明月謝  
高風

杖藜僑立傍柴門急雪漫山落日昏誰謂春坊  
學士扎忽投寒峽野人村銀花色映東坡俎竹  
葉香浮北海樽呼取主翁成飽暖楚江還笑謾  
招魂  
欲憑歸使訴幽冤苦淡如絲坐斷魂頭自此遷

驚易白眼因西望怯全昏三霜已廢先人祭一  
飯何忘 聖主恩身罪尚嬰鄉路阻亂山米雪

寄孤村

鄒陽身抱屈平愁更耐劉楨病未瘳直道敢論  
同柳季妖言須識異楊侯曾參非合仍投杼伊  
尹應如自納溝鵠立侍臣今鮑叔早開湯罍祝

蛛蝥

右戲作點  
鬼簿體

李獻納子方自京城枉書送新曆三部李  
使君子陵自利川寄詩惠名酒一盆數日  
之內相繼向至因題長律以謝之



東岳集卷之十七  
四  
三霜逐客鬢成絲獨對千崖歲暮時獻納曆書  
煩寄札使君樽酒辱接詩通家本喜心肝露失  
路偏嗟骨肉離更忍明年是單闕長沙終恐絕  
歸期

奉酬利川李明府子陵用夏日謝朱詩韻

送酒見問之作

臘天勤見餉夏月賴支飢盛德酬無計殘軀保  
不貲已知嬰累重誰道降恩遲官釀休辭薄還  
須慰夢思

奉謝全羅道巡察使閔令公聞余卧疾書

致藥物六種再求用拙堂詩

巡察南藩惠化宣逐臣嬰瘵卧東川一冬誰料  
書承二兩地曾聞路越千竹瀝木瓜薑各裹麝  
香龍腦薏并經直思墮首酬深眷微命從今賴  
少延

一身羈卧百病侵閉戶窮冬正擁衾藥物忽看  
長絕峽草廬奚啻捧無金書中子厚資約直詩  
上昌黎服桂林却恐重恩山未答紫衣相對白  
頭吟

峽雪埋山頂湖雲接海濱雄藩聞務劇遠路見



情真纔枉求詩札還勞問疾人盈箱諸藥裏一  
一手題新

一卧三冬暮門無問起居何言湖外使又到峽  
中廬發篋皆神藥披牋是手書雪簷支枕坐衰  
淚滿衣裾

聞說湖南伯能名過潁川道情元用拙廷議共  
推賢正合公卿位方兼將帥權懸車太早計且

莫賦歸田右答求用拙堂賦

平生常慕陸宣公况又孤身竄峽中遺奏商川

新入持一編能寄一歸鴻右乞蘇印陸宣公奏議

次片雲上人見寄韻時在沔州水菴

沔浦居隣古寺樓步尋松逕夕陽收羈心在底

寬如許野却禪僧去後愁

病裏哦詩獨爾思空齋歲晏轉添悲踈星燦燦

大寒夜密雪騷騷日暮時

十二月二十九日奉謝原州洪汝時明府

珍重原州牧周窮自下車纔經三鼓月已見四

封書峭峽身猶窳頑冬歲又除時珍無臘味翻

勝在吾廬

雨雪連三日千山鳥獸飢若無明府問其奈逐



巨悲異味分童僕新醅備歲時况蒙盈帑未每  
月趁晨炊

十二月三十日戊辰

半百曾加六歲衰却從遷放轉瘦羸禰衡悖慢  
人皆忌阮籍猖狂世共嗤揣分已知無用處懲  
愆猶冀有歸時流年又謝終奚怨只恹頑軀病  
死遲

丁卯正月初一日己巳

百匝荒山一片天星杓回轉歲華遷孟陬又屬  
靈均月單闕無逢太傅年鬢上雪深無更白眼

中花亂已全玄纍臣永負平生計獨坐元朝淚  
送泉

鷄鳴驚起擁懸鶉謫過三霜又一春回磴有蹊  
雲礙目破廬無壁雪圍身童奴尚厭留空峽老  
叟能忘拜禁宸挑板寫符斟相酒至今都似夢  
非真

塞下天傾渤海涵崗蟠峽內暗蒸嵐一身流轉  
殊方二四載稽留上日二初憶老兄終小姪遠  
思川北近山南顏衰又起新年恨獨對田翁強  
笑談

余家先墓在河川郡北又祖考墳塋  
在共揚州道峯山之南故第六句云



星曆翻經四幹枝膏肓一豎轉支離每逢京使  
終何喜乍見家書輒自悲姓字說方諧是我形  
容看却問為誰囚山已覺歸無日只欲懷沙作  
楚辭

元日

新正何所祝故國已無期倘使去年歿豈知今  
日悲眼穿先墓路心折早朝時積雪窮山裏空  
添兩鬢絲  
北斗頻移柄中宵又指東居為三載客識盡四  
隣翁賀歲經過慣祈農笑語同遙知墨寺洞雪

塞故廬空

正月初五日

四出重崗擁一川荆扉常掩撮空穿迎春又過  
牛羊日糞老偏添犬馬年吟最苦時詩有味睡  
方濃處世無緣人生到此須安分誰把窮通更  
問天

奉次西平府院君柳川韓相公題新曆卷

面寄惠之韻

秋來菘甲方嫩春去蕨芽自剛新曆非關晦朔  
雅情本脫炎涼



附原韻

韓浚謙

不用較時早晚何須詆日柔剛但能識得伏  
臘亦是閑過暄涼

柳川

奉次五峯相公以七言絕句一首手題新  
曆卷面寄惠見問之韻

卷面清詩手自書又驚新曆到山居年年莫恠  
無回信謹逐明時死不如

附原韻

聞君不作入城書消息無憑問謫居寒燠乖  
常多雨雪山中調攝也何如

五峯

奉謝五峯相公寄惠新曆

自余獲罪竄逐以來杜門省愆震悚愧  
縮絕不作書向人酬答故屢承公問前  
後甚懇亦不敢以一字伸謝四年于茲  
曾聞公見訝今又蒙曆日之惠輒綴短  
律用暴微志

曾從羈紲到華顛門館叨依四十年天地何歸  
身遠逐春風又起歲頻遷姓名詐合頰書疏顏  
面方慙負罪愆却記雕虫每垂問報珠空想淚  
潺湲



入日憶仲氏

向老年周甲開春日屬人羈蹤淹絕境壽學高  
初辰雪塞關東峽星分沔北津強吟棠棣什離  
思益酸辛

正月初九日奉謝原州洪汝時明府

剝啄驚蝴蝶殷勤類鶴鴿九旬書五到千嶺湧  
雙零病口資佳味醜顏變老形家僮齊鼓腹結  
草指幽冥

正月初十日喜希安上人至

取人寧以貌安也邈難儔筆法今懷素詩才古

惠休匡山讀書日赤壁泛舟秋蕪谷勞相訪深  
慙作楚囚

獨客身何遠初春意轉迷雪巖千疊嶂水帶一  
條溪巷晚猶仍睡林寒鳥不啼禪門舊詩友此  
日到幽蹊

正月十一日聞石陽君灘隱去年十二月

二十日卒於公州別業

昔聞文與可今見石陽君詩是周開府書無晉  
右軍春回蕊嶺雪地隔錦江雲海內忘形盡吞  
聲坐夜分



五山文似海波翻石老書如渴驥奔沼帳九原  
無日起墨君今又大王孫  
一軒曾對十株梅批是王孫手自裁今日東風  
吹總帳北技能傍竹林開

正月十二日丙辰

余於甲子三月十二日丙寅繫獄乃被  
竄謫迄今丁卯正月十二日丙辰凡一  
千三十一日駐鏡城過一冬到洪川經  
兩秋其間節序復則三而春則四也甲  
子季春乃戊辰月丁卯孟春乃壬寅月

也

年從甲子迄丁卯月起戊辰當壬寅中間東北  
忽三夏前後季孟方四春塞風初臘海鳴枕峽  
雪重秋山擁身坐篋一千三十日殘生堪哂不  
堪嘆

贈鄭秀才致和

文翼元臣宅揆年中台容祖黃陶甄兩家子弟  
吾偏忝三代公卿汝又賢槐院况曾充下掾銀  
臺無事備常負分深世好論交日寒峽春生雪  
滿顛



李獻納子方以巡按御史來到原州用

謝惠新曆詩韻寄示見問因走筆奉酬

共燒銀燭寫烏絲浮碧樓高遶月時  
淚水笙歌常入夢峽山風雪忽傳詩  
孤身去國驚衰朽異地逢春怨別離  
從此蓬門終日待綉衣元不負交期

附

激濁還如理亂絲無能恐負聖明時  
自憐公事難偷暇肯有閑情可詠詩  
關外峽雲看更遠洛東園草久相離  
計程幾日尋高館雪

盡南橋倘赴期

李子方

元夕

元日詎堪說更於元夕何斜陽僅下  
壁完月况舒波峽谷忽再遇朔庭曾  
一過歸心絕已久只益卧嬰病

正月十七日

屋角烏蟾一擲梭百年浮世隙駒過  
忽驚白髮渾如此未濟蒼生可奈何  
賈誼漢朝猶痛哭荆軻燕市且悲歌  
男兒志大乾坤小恨入東流作海波



正月十八日丙戌

時聞平安監司狀 啓本月十六日夕

來到京城虜賊大舉急圍義州自翌日

朝朝野震懼都民奔潰閭閻盡空

羽檄東來急都人散似烟誰言遷謫地又見亂

離年戀 主心懸日憂民淚徹泉平生黃石畧

素髮愧空拳

正月二十日戊子夜坐口號

時聞虜賊三萬餘騎本月十一日直渡

鴨綠江先陷義州續陷郭山鐵騎蹂躪

如入無人之境自清川江以南至于畿  
甸人皆荷擔而立

丁卯春正月胡離渡鴨江先登義州陷直擣郭

山降破竹空三路奔波動一邦孤臣羽嶺下拔

劍對寒缸

正月二十二日庚寅

時聞賊兵連陷安州中外潰散人心恟

恟領教大赦獨未蒙 恩

歲首妖氛闇魯臺虜兵中夜過江來姜韓朴一

時同到義郭安三鎮并摧闕路繹騷京輦潰



教言哀痛微門開花山淚盡庚寅日獨漏金鷄  
作羽能

正月二十五日癸巳

時聞賊兵長驅而來平壤城中軍民自  
潰都下士女已盡奔竄 慈殿中宮出

如江都

鴨綠江頭斷夕烽烟塵晝暗牡丹峯定州軍潰  
誰思戰平壤城崩不待攻元帥本韜龍虎畧上  
都先避犬羊鋒最憐薩水雙名將坐斃高墉未  
折衝

安州城陷兵使南川  
興收使金浚死之

正月二十七日乙未晴時家奴允男自京  
城持姪捧書來言二十五日筵臣白 上  
得蒙放赦二十六日 車駕出幸江都是  
日夜發奔 行在所

京國飄零古沁州大同江外入遼裘臨危轉恨  
羈身竄蕩穢翻驚 需澤流即問行宮中夜發  
誰憂突騎半途留老臣淚滴花溪水先向昇天  
海渡頭

昇天府乃江  
華津名也

正月二十八日丙申赴江華道中口占  
建辰之月歲甲子二十八日初出園建寅之月



歲丁卯二十八日方歸京一冬海颶號窮磧三  
載山嵐暗絕陁垂死老臣遭此夕 聖恩天覆  
浹河傾自洪川往江華路由京

天啓甲子春三月十二日丙寅繫獄二  
十八日壬午出竄鏡城復四月二十五  
日戊申到配所越明年乙丑春正月以  
世子冊禮大慶頒赦二月初九日戊子量  
移中道得配洪川三月十五日癸亥始  
見公文十六日甲子發鏡城復四月十  
六日癸巳入洪川至丁卯春正月二十

五日癸巳因虜賊之亂始蒙 恩放越  
三日乙未邸報夕至鷄鳴發洪川馳詣  
行在所寔正月二十八日丙申也自甲  
子三月十二日丙寅至丁卯正月二十  
七日乙未凡三十有六日實一千五十  
日在獄中十六日自京城到鏡城在道  
二十六日自鏡城到洪 在道三十日  
居鏡城計十二月共三百十五日居洪  
川計二十三月共六百六十二日云



東岳先生集卷之十七 東遷錄下終

東岳先生集卷之十七

三



